

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 255505 25 St
Zenica, 13.06.2025. godine

Općinski sud u Zenici, stečajni sudija Samra Spahić-Drino, odlučujući o prijedlogu za provođenje stečajnog postupka nad stečajnim dužnikom Društvo za proizvodnju namještaja, promet i usluge „CARGO-Z&M“ d.o.o. Tešanj, Transportno-trgovačko društvo, export-import, Vukovo bb, Tešanj matični registarski broj subjekta upisa 43-01-0153-10 (stari broj: 1-7735), dana 13.06.2025. godine, donio je:

RJEŠENJE

Pozivaju se povjerioci i zainteresovana lica da u roku od 30 dana od dana objavljivanja poziva predlože otvaranje stečajnog postupka i uplate predujam u iznosu od 3.000,00 KM za obezbjeđenje troškova stečajnog postupka, na depozitni račun ovog suda broj: 134-010-0000044837 otvoren kod ASA Banke d.d. Sarajevo, Poslovna jedinica Zenica, te da po izvršenoj uplati predujma sudu dostave uplatnicu, kao dokaz da je uplata izvršena.

Ukoliko povjerioci i zainteresovana lica u navedenom roku ne predlože otvaranje stečajnog postupka i ne uplate predujam, stečajni sudija će otvoriti stečajni postupak i odmah zaključiti postupak nad imovinom društva Društvo za proizvodnju namještaja, promet i usluge „CARGO-Z&M“ d.o.o. Tešanj, Transportno-trgovačko društvo, export-import, Vukovo bb, Tešanj matični registarski broj subjekta upisa 43-01-0153-10 (stari broj: 1-7735), te po pravomoćnosti rješenja o zaključenju stečajnog postupka narediti brisanje ovog društva iz sudskog registra.

Obrazloženje

Predlagač Društvo za proizvodnju namještaja, promet i usluge „CARGO-Z&M“ d.o.o. Tešanj, Transportno-trgovačko društvo, export-import, Vukovo bb, Tešanj, podnio je ovom sudu 04.08.2023. godine prijedlog za otvaranje likvidacionog postupka. Nakon prijava potraživanja od strane povjerilaca Uprave za indirektno oporezivanje, Regionalni centar Tuzla u iznosu od 963,50 KM, Porezne uprave F BiH, Kantonalni porezni ured Zenica u iznosu od 20.088,92 KM i GANJGO PETROL d.o.o. Matuzići u iznosu od 35.184,00 KM od strane likvidatora podnesen je prijedlog za pokretanje stečajnog postupka.

Likvidator je u toku likvidacionog postupka dostavio izvještaj o ekonomsko-finansijskom stanju društva u kojem je naveo da društvo ima obaveze prema Upravi za indirektno oporezivanje, Regionalni centar Tuzla u iznosu od 963,50 KM, Porezne uprave F BiH, Kantonalni porezni ured Zenica u iznosu od 20.088,92 KM i GANJGO PETROL d.o.o. Matuzići u iznosu od 35.184,00 KM, da društvo nema nepokretne imovine, nema pokretne imovine, zaliha na stanju, odnosno robe, te da ima sredstva na transakcijskom računu u iznosu od 29,00 KM, a u podnesku od 5.6.2024. godine izvršena je dopuna u pogledu vozila koja više nisu u vlasništvu predlagača, a koja dopuna je izvršena na zahtjev povjerioca GANJGO PETROL d.o.o. Matuzići.

Likvidator je na ročištu za ispitivanje uvjeta za otvaranje stečajnog postupka održanom 12.06.2025. godine naveo da društvo nema nepokretne imovine, nema pokretne imovine, nema zaliha na stanju odnosno robe i da na transakcijskom računu ima iznos od 29,00 KM, da je u bilansu stanja na dan 31.07.2023. godine na balansnoj poziciji kratkoročna imovina iskazani iznos od 1.528,00 KM a u bilansu stanja na dan 18.10.2023. godine na istoj poziciji iskazani iznos od 29,00 KM koja pozicija se odnosi na novac i novčane ekvivalente, da je novac na transakcijskom računu na dan 31.07.2023. godine koji se vodi kod Privredne banke d.d. Sarajevo iskorišten do dana 18.10.2023. godine za plaćanje tekućih obaveza društva, tako da je iznos na dan 18.10.2023. godine na transakcijskom računu 29,00 KM. Istakla je da društvo nema potraživanja, odnosno potraživanje društva iznosi 0,00 KM, da ima prijavljenih obaveza i to prijavu potraživanja Uprave za indirektno oporezivanje u

iznosu od 963,50 KM, i prijavu potraživanja „GANJGO PETROL“ d.o.o. Matuzići, Doboj Jug, u iznosu od 35.184,00 KM, koje prijavljene obaveze su osnovane. U bilansu stanja na dan 31.12.2023. godine na sljedećim bilansnim pozicijama društvo ima iskazanih obaveza i to kratkoročne obaveze iskazan iznos od 90.860,00 KM, koje se sastoje od obaveze prema dobavljačima i ugovorne obaveze, iznos od 50.940,00 KM, ostale finansijske obaveze iznos od 16.733,00 KM, ostale obaveze uključujući i razgraničenje iznos od 23.178,00 KM, a u bilansu stanja na dan 18.10.2023. godine na bilansnoj poziciji kratkoročne obaveze iskazani iznos od 89.415,00 KM i isti se sastoji od obaveze prema dobavljačima i ugovorna obaveza od 50.949,00 KM, ostale finansijske obaveze u iznosu od 16.733,00 KM, i ostale obaveze zaključujući i razgraničenje u iznosu od 21.733,00 KM. Razlika u balansnim pozicijama na dan 31.07.2023. godine i 18.10.2023. godine se odnosi na ostale obaveze uključujući i razgraničenja u bilansu stanja na dan 31.07.2023. godine iskazan iznos od 23.178,00 KM, sastoji se od obaveze na neto platu iznos od 21.732,59 KM, što predstavlja stanje duga, i PDV-a na isporuke iznos od 1.445,00 KM. Nastala razlika koja se odnosi na PDV isporuke je plaćena po PDV prijavama što se vidi po stanju na transakcijskom računu. Likvidator je dalje izjavila da kako nema imovine dok postoje obaveze, predlaže da se pozovu povjerioci da uplate predujam u iznosu od 3.000,00 KM a u svrhu prijedloga otvaranja stečajnog postupka u roku od 30 dana, te nakon isteka roka ukoliko niko od povjerilaca ne izvrši uplatu predujma predlaže da sud donese rješenje o otvaranju i zaključenju stečajnog postupka nad društvom „CARGO-Z&M“ d.o.o. Tešanj, Transportno-trgovačko društvo, export-import, Vukovo bb, Tešanj.

Sud je odlučio kao u izreci iz sljedećih razloga.

Kako stečajni dužnik ima obaveze, a nema imovine, pa ni za pokriće troškove stečajnog postupka, to je sud primjenom odredbe člana 102. stav 7. i 8. Zakona o stečaju („Službene novine F BiH“, broj: 53/21), pozvao povjerioci i zainteresovana lica da predlože otvaranje stečajnog postupka i predujme dovoljan novčani iznos za pokrivanje troškova stečajnog postupka (otvaranje i provođenje stečajnog postupka), ukoliko su zainteresovani za vođenje stečajnog postupka. Visina troškova srazmjerno je određena visini troškova koji se očekuju, a koji su neophodno potrebni za otvaranje i vođenje stečajnog postupka, imajući u vidu da prema izvještaju likvidatora stečajni dužnik nema imovine za pokriće troškova stečajnog postupka.

S obzirom na izloženo odlučeno je kao u izreci ovog rješenja primjenom odredbe članu 102. stav 7. i 8. Zakona o stečaju, a ovim rješenjem povjerioci i zainteresovana lica su upozoreni na posljedice propuštanja postupanja po pozivu ovog suda.

PRAVNA POUKA:
Protiv ovog rješenja nije
dozvoljena žalba.

Stečajni sudija:

Samra Spahić-Drino,s.r.